



**VIJEĆE MLADIH  
GRADA TUZLA**

Na osnovu Odluke o utvrđivanju uslova, kriterija i postupka dodjele sredstava za sufinansiranje troškova zakupa poslovnih prostora i režijskih troškova omladinskih organizacija na području Grada Tuzla broj 9/24 od 14.2.2024. godine, Vijeće mladih Grada Tuzla dana 16.2.2024. godine objavljuje:

## **JAVNI POZIV**

**za sufinansiranje troškova zakupa poslovnih prostora i režijskih troškova omladinskih organizacija na području Grada Tuzla**

### **I Predmet Javnog poziva**

Ovim Javnim pozivom prikupljaju se aplikacije (prijave) omladinskih udruženja registrovanih na području Grada Tuzla za sufinansiranje zakupa poslovnih prostora i/ili režijskih troškova nastalih u vremenskom periodu od 01.03. do 31.08.2024.godine

### **II Pravo učešća**

Pravo učešća u ovom Javnom pozivu za sufinansiranje troškova zakupa poslovnih prostora i režijskih troškova mogu ostvariti udruženja upisana na spisak omladinskih udruženja Grada Tuzla.

### **III Način prijavljivanja**

Prijave na ovaj Javni poziv podnose se na Obrascu koji je propisalo Vijeće mladih Grada Tuzla. Potrebno je da zainteresovana udruženja pošalju email o namjeri apliciranja na Javni poziv na

[info@mladi075.ba](mailto:info@mladi075.ba) najkasnije do 23. februara 2024. godine kako bi im u elektronskom formatu bili dostavljeni svi prijavni obrasci.

Aplikant je obavezan dostaviti sljedeću skeniranu dokumentaciju uz prijavne obrasce:

1. Bilans stanja i bilans uspjeha za 2023. godinu,
2. Uvjerenje nadležne Porezne uprave o izmirenim dospjelim poreznim, kao i obavezama po osnovu PIO/MIO, a da nije starije od 30 dana od dana podnošenja prijave na ovaj Javni poziv,
3. Izjavu ovjerenu u Centru za pružanje usluga građanima ili u nadležnom notarskom uredu kojom će potvrditi:
  - a. Da su podaci navedeni u prijavi na Javni poziv tačni,
  - b. Da će sredstva utrošiti za namjenu za koju će biti odobrena,
4. Dokaz o otvorenom računu u poslovnoj banci na koji će sredstva biti uplaćena

Po odobrenju aplikacije, udruženja su obavezna dostaviti originale ili ovjerene fotokopije tražene dokumentacije na uvid.

#### **IV Iznos novčane podrške i način bodovanja aplikacija (prijava)**

Za raspodjelu putem ovog Javnog poziva raspoloživa su novčana sredstva u iznosu 10.000,00 KM.

Sredstva će se dodijeliti korisnicima na ime sljedećih oblika podrške:

1. Sufinansiranje troškova zakupa poslovnih prostorija za period od 01.03. do 31.08.2024. godine.
2. Sufinansiranje režijskih troškova za period od 01.03. do 31.08.2024. godine.

Maksimalan iznos sredstava koji može biti odobren pojedinačnom aplikantu iznosi 1.800,00 KM. Ispod je tabelarni prikaz kriterija za ocjenjivanje pristiglih aplikacija sa prikazanim brojem bodova koje pojedinačni aplikant može ostvariti:

<b>Kriteriji za ocjenjivanje</b>	<b>Maksimalan broj bodova</b>
Vremenski period djelovanja organizacije	5
Aktivan i kontinuiran rad organizacije u radu sa mladima i za mlade tokom prethodne tri godine	5
Broj stalno zaposlenih	5
Broj angažovanih po drugim osnovama	5

U kojoj mjeri organizacija može da pokrije režijske troškove i troškove rente od članarina prikupljenih na mjesečnom nivou?	5
Broj aktivnih članova organizacije sa područja Grada Tuzla	5
Iznos potrebnih sredstava za režijske i/ili troškove zakupa prostora	5
Da li su predloženi troškovi realni i neophodni za rad neprofitne organizacije?	5
Kvadratura prostora	5
Da li je organizacija članica Vijeća?	2
Da li organizacija iznajmljuje prostor za svoje potrebe?	3
<b>Ukupan zbir bodova</b>	<b>50</b>

Ispod je tabelarni prikaz odnosa ostvarenih bodova i iznosa sredstava koja će biti dodijeljena aplikantu:

<b>Broj bodova</b>	<b>Maksimalni iznos za dodjelu novčanih sredstava (za period od 6 mjeseci) u KM</b>
26-30	600,00
31-35	900,00
36-40	1200,00
41-45	1500,00
46-50	1800,00

U slučaju da ukupan potrebni iznos podrške organizacijama bude veći od raspoloživog iznosa po ovom Javnom pozivu (organizacije koje su prešle prag od 25 bodova), sredstva podrške će biti ravnomjerno skalirana, odnosno smanjena.

### **V Provjera aplikacija (prijava)**

Postupak dodjele sredstava u smislu ovog Javnog poziva provodi Komisija za ocjenu prijave (u daljem tekstu: **Komisija**). Komisiju čini sedam članova Upravnog odbora Vijeća mladih Grada Tuzla. Komisija će po okončanju prijema prijave izvršiti pregled i ocjenu zaprimljenih prijave te će po okončanju postupka sačiniti listu o odabiru korisnika. Lista o odabiru mora sadržavati aplikante koji su ispunili uslove sa predloženim i odobrenim iznosom sredstava te aplikante koji nisu ispunili uslove sa naznakom koji uslov nije ispunjen.

Lista o odabiru korisnika se objavljuje na stranici Vijeća mladih Grada Tuzla ([www.mladi075.ba](http://www.mladi075.ba)). Komisija zadržava pravo da u postupku odlučivanja od aplikanta zatraži dodatna pojašnjenja. Detaljni uslovi korištenja sredstava dodijeljenih u smislu ovog Javnog poziva regulisati će se ugovorom koji će Vijeće mladih Grada Tuzla zaključiti sa odabranim korisnicima.

#### **VI Trajanje Javnog poziva i podnošenje aplikacija (prijava)**

Javni poziv je otvoren 14 dana od dana objave, tako da je zadnji rok za slanje prijava 1.3.2024. godine do 14:59.

Prijave na Javni poziv sa pratećom dokumentacijom dostavljaju se na email adresu: [info@mladi075.ba](mailto:info@mladi075.ba) sa naznakom: **Prijava za učešće na Javnom pozivu za sufinansiranje troškova zakupa poslovnih prostora i režijskih troškova omladinskih organizacija na području Grada Tuzla.**

**Nepotpune i neblagovremene prijave neće se uzeti u razmatranje.**

Za dodatne informacije u vezi sa ovim Javnim pozivom možete se obratiti Vijeću mladih Grada Tuzla putem e-maila: [info@mladi075.ba](mailto:info@mladi075.ba)